

«Күншуақ» бөбекжай-бақшасы» МКҚК

«АЛТЫН КҮЗ» ТАҚЫРЫПТЫҚ САҒАТЫ
Тәрбиешілері: Абдыкова А.Т, Нургалиева А.К
2024-2025 оқу жылы



Алтын күз! ертеңгілік.

Мақсаты: Балаларды күз әлемімен таныстыруды жалғастыру.

Күз мезгіліндегі өнім көкөністерден көрініс сахналандыру.

Балалардың ойын, ән, билер арқылы күзгі мерекелік көңіл-күйлерін көтеру.

Табиғатты сүйіп, қорғауға, аялауға тәрбиелеу.

Тәрбиеші: Міне, өлкемізге алуан түсті жапырақтарымен толқып, билеп күз де жетті. Күздің келуін бәріміз де асыға күттік. Ал, күз бізге мол өнімдерін сыйға тартуда.

(Әуен ойналады. Жапырақтар биін билеп балалар келеді. Би аяқталған соң өз орындықтарының қасына барып тұрады.)

Ән: «Күз тамаша!»

Жүргізуші: Армысыздар балақайлар, **«Келді міне Алтын күз»** мерекесін бізбен бірге өткізуге қош келіпсіздер!

Бүгін мейрам, бүгін той

Қуаныш күн, біліп қой

Күзгі бақта сыңғырлап

Алақанды ұрып қой.

Қонақтардың көңіл-күйін көтеру үшін қолдарымызды бұлғап амандасайық!

(Балалар қолдарын бұлғайды)

Жарайсыңдар балалар! Қонақтар мен балалардың жүзінен қуаныш пен шаттықтың ізін байқайық!

Бағбаншы: кіреді.

Жүргізуші: Сіз кімсіз? Қайдан келдіңіз?

Бағбаншы: Бақша, бақты күтетін бағбаншымын. Балаларды мейрамымен құттықтауға келдім. Ал сендер неге жалғызсыңдар? Күз ханшайымы қайда?

Жүргізуші: Біз сізбен келеді деп ойладық.

Бағбаншы: Мен күз ханшайымын көрген жоқпын, ол орманда адасып қалған шығар.

Жүргізуші: Келіп қалатын шығар тосайық, оған дейін көкөністер мен жемістерді қазір өздерін таныстырсың.

Күз туралы тақпақтар:

Шаһ-нұр.

Жапырақ ұшты,

Суық та түсті.

Сонда да бізге,

Қызық көп күзде.

Аяла.

Көк майсалы көрікті,

Алқаптағы көп егін. Бұл күндері киіпті,

Сары жібек көйлегін.

Ағаштардан жамырап,

Ұшты кенет жапырақ

Ой, алақай тамаша,

Шашу шашты жапырақ.

Әмірхан Ғ

Келді міне күз,

Айнала сары түс.

Керемет тамаша,

Қандай әсем күз.

Ж.Алихан

Қамба толды астыққа,

Алғыс саған алтын күз.

Бір уыс дән шаштықта,

Қап-қап қауын алдық біз

Адина.

Күзде піскен егінді,
Жинап алып ас қылған.
Аман болсын-ел жұртың,
Тыныш болсын-Отаным!

Каусар.

Берекесін сыйлауға,
Өлкемізге күз келді.
Жемістерін жинауға,
Шақырады біздерді.

Нұрислам

Көрініп еліме,
Күндері мереке.
Келді гой жеріме,
Күз дейтін мереке

Би: «Себеттер»

Күз ханшайымы.

Береке бақ дарыған
Жомарт көңіл жарқын күз
Сары алтынға малынған
Мен Күз ханшайымымын.
Сендерді көргеніме өте қуаныштымын.

Жүргізуші:Қош келдің,Күз ханшайымы! Төрлет!
Бүгінгі мерекеміздің қонағы бол, балалардың өнерін тамашалайық.

Күз ханшайымы:Өте жақсы, балалар, рахмет.

Күз ханшайымы:Өте қызықты ертегі екен. Рахмет, балалар.

Күз ханшайымы: Қандай керемет шеттеріңнен өнерлі екенсіңдер Ендеше мені басқа балалар тосып отыр ,Сау болындарбалалар!,Келгенше жыл айналып.
(Күз кетеді)

Балалар: Күз ханшайымымен қоштасады.

Жүргізуші: Осымен «Балбөбек» тобының «**Келді міне Алтын күз**» атты ертеңгіліміз аяқталды. Күзге айтарымыз берер сыйы жылдан жылға көп болсын. Елімізде тыныштық, береке болсын!



